

第八集

鎮海業書

桐城張延厚署

遼海叢書第八集總目

翰苑一卷

唐張楚金撰

覆校本

遼東行部志一卷

金王寂撰

藕香零拾本

附 鴨江行部志節本一卷

金王寂撰

海鹽朱氏藏鈔本

使遼語錄一卷

宋陳襄撰

靜嘉堂文庫藏鈔本

嘉慶東巡紀事三卷

闕名

鈔本

遼紀一卷

明錢塘田汝成撰

靜嘉堂文庫藏鈔本

遼陽聞見錄二卷

上元顧雲撰

傳鈔本

鮮話一卷

遼陽佟世思撰

與梅堂遺集本

耳書一卷

遼陽佟世思撰

與梅堂遺集本

旗軍志一卷

奉天金德純撰

學海類編本

蜀輶紀程一卷

瀋陽文祥撰

文忠公事略本

巴林紀程一卷

瀋陽文祥撰

文忠公事略本

棟亭書目四卷

奉天曹寅撰

上虞羅氏傳鈔本

四庫全書輯永樂大典本書目一卷

瀋陽孫馮翼撰

抱經堂本

附 永樂大典書目考四卷

海城郝慶柏撰

稿本

瀋館錄七卷

朝鮮世子從臣撰

上虞羅氏藏鈔本

附 瀋陽日記一卷

朝鮮宣若海撰

朝鮮刊本

遼東行記一卷

遼東行記一卷

遼東行記一卷

遼東行記一卷

遼東行記一卷

遼東行記一卷

遼東行記一卷

後敘

敘曰余以大唐顯慶五年三月十二日癸丑晝寢于并州太原縣之廉平里焉夢先聖孔丘被服坐於堂皇之上余伏於座前而問之曰夫子胡爲而制春秋乎余兄越石在側曰夫子感麟而作耳余曰夫子徒以感麟爲名耳其深旨何必在麟耶子曰然于時政道陵夷禮樂交喪故因時事褒善貶過以示一王之法豈專在於麟乎余又問論語云浴乎沂風乎舞雩詠而歸敢問何謂也子曰亦各言其志也余又問曰人之生也有天壽乎子曰爾謂古之聖今之愚爲壽乎爲天乎對曰古今一死也孰知其天壽子曰然夫不死不生者自絕云住在生死之域則彭祖與殤子亦無以異也余又問曰夫子周人也奚爲尙也存乎夫子慨然而笑曰非爾所及也余又問曰夫子聖者也亦有居止之所乎乃指東牖下曰吾居是矣余顧東牖前有玄纁朱裏床上以鋪緋褥有二侍者立於前言終而寤懼焉而興喟然而

歎曰昔夫子大聖也尚稱曰吾衰也久矣不復夢見周公余小子何知焉而神交於將聖感而有述遂著是書焉

主主中丞之...
天平樓曰古今一...
余又問曰人之...
歸補云...
樂交喪...
千...
夫千...
銀平里...
錄曰余以...
餘錄

翰苑卷第

張楚金撰

雍公勸注

蕃夷部

匈奴

烏桓

鮮卑

夫餘

三韓

高麗

新羅

百濟

肅慎

倭國

南蠻

西南夷

兩越

西羌

西域

後敘

匈奴

周稱獫狁焦穫致三捷之功

毛詩云文王之時西有昆夷之患北有獫狁之難以天子之命命將率靡室

靡家獫狁之故不遑啓居獫狁之故戎車旣駕四牡業業豈敢定居一月三

捷注云將率之志往至征戍之地則庶乎一月之中三有勝功謂侵也戰也

又曰獫狁匪茹整居焦穫侵鎬及方注云焦穫周地接獫狁者言獫狁之東侵乃整居焦穫據周之地也

漢曰匈奴平城表七重之暈

漢書曰匈奴其先夏后氏之苗裔也曰淳維唐虞以上有山戎獫狁薰粥居于北邊隨草畜牧而轉移史記天官書曰昴曰髦頭胡星也高祖平城之圍月暈參畢七重時士卒七日不食者也

涇陽晝晦爲掩胡塵

毛詩曰周宣王時獫狁孔熾侵鎬及方至於涇陽元戎十乘以先啟行薄伐獫狁至于太原周幽王時居涇渭之間胡塵晝晦也

甘泉夜明由通朔燧

漢書曰軍臣單于立四歲匈奴復絕和親大入上郡雲中各三萬騎所殺略甚衆於是漢使三將軍軍屯北地代屯句注趙屯飛狐口緣邊亦各堅守以備胡寇又置三將軍軍長安西細柳渭北棘門霸上以備胡胡騎入代句注

邊烽火通於甘泉長安數月夜皆明漢兵至邊匈奴亦去遠塞漢兵亦罷

百金成列李牧收勳於雁門

史記曰李牧爲趙邊將常居代雁門備匈奴以便宜置吏市租皆輸入莫府爲士卒費日殺牛饗士謹烽火多間諜匈奴入盜即急入保不與戰數歲不亡失時皆以爲怯趙王怒使人代將歲餘戰不利多亡失乃復遣李牧如舊數歲乃選百金之士十五萬大破匈奴漢書云選百金之士十萬注云良直百金之士也

二部分驅耿譚馳聲於塵塞

范曄後漢書南單于復上求滅北庭於是遣左谷蠡王等將左右部八千騎出雞鹿塞中郎將耿譚遣從事將護之至涿邪山乃留輜重分爲二部各引輕兵兩道襲之左部北過西海至河雲北右部從匈奴河水西繞天山南渡甘微河二軍俱會夜圍北單于單于大驚率精兵千餘人合戰單于被創墮馬復上將輕騎數十遁走僅而免脫得其玉璽獲閼氏及男女五人耿譚以新

降者多上增從事十二人也

連題上望帶十角以飛名須卜豪宗參四姓而標稱

范曄後漢書曰匈奴俗歲有三龍祠常以正月五月九月上戊日祭天神南單于既內附兼祠漢帝因會諸部議國事走馬及駱駝爲樂其大臣貴者左賢王次左谷蠡王次右賢王次右谷蠡王謂之四角次左右日逐王次左右溫禺鞹王次左右斬將王是爲六角皆單于子弟當爲單于者也異姓大臣左右骨都侯次左右尸逐骨都侯其餘日逐且渠當戶諸官號各以權力優劣部衆多少爲高下次第焉單于姓虛連題異姓有呼衍氏須卜氏丘林氏蘭氏四姓爲國中名族常與單于婚姻呼衍氏爲左蘭氏須卜氏爲右主理獄聽訟當決輕重口白單于無文書簿領與之也

和親結好事藉劉敬之謀

漢書曰高祖時匈奴冒頓兵強控弦三十萬騎數苦北邊帝問敬敬曰天下初定士卒罷於兵革未可以武服也陛下誠能以適長公主妻單于爲閼氏

使辯士風諭以禮節冒頓在固爲子壻死外孫爲單于豈聞外孫與大父亢禮哉可毋戰以漸臣也帝欲遣長公主呂氏泣諫乃止而使家人子爲公主妻單于使敬結和親約爲兄弟也

備塞勸農本資鼂錯之策

漢書曰文帝時匈奴數寇邊太子家令鼂錯上兵事三章又言守邊備塞勸農力本當代急務二事曰夫胡貉之地積陰之處木皮三寸冰厚六尺食肉而飲酪其人密理而能塞故人非有城郭田宅之歸居如飛鳥走獸於廣野美草甘水則止草盡水竭則移此胡人之生業而中國之所以離南畝也今使胡人轉牧行獵於塞下親附之歡班固議曰漢興以來曠世歷年兵纏夷狄尤事匈奴綏御之方其塗不一或修文以和之或用武以征之或卑下以就之或臣服而致之雖屈申無常所因時異然未有拒絕棄放不與交接者也臣愚以爲宜依故事復遣使者虜使再來然後一往旣明中國主在忠信且聖朝禮義有常豈可逆詐示猜孤其善意乎絕之未知其利通之未聞其

害設使北虜稍強能爲風塵方復求爲交通將何所及 按前漢書鼂錯傳
今使胡人轉牧行獵於塞下下接或當燕代或當上郡北地隴西以候備塞
之卒云云一段方是備塞勸農正文本書引至塞下句而止是於前漢書原
文有脫漏也又塞下句下接以親附之歡句按後漢書班固傳章帝時北單
于遣使貢獻求欲和親詔問羣僚議者或以爲匈奴變詐之國無內向之心
徒以畏漢威靈逼憚南虜故希望報命以安其離畔今若遣使恐失南虜親
附之歡而成北狄猜詐之計不可固議曰云云則本書引後漢書亦有脫漏
也且一事引據兩書前後意義詞句均失連絡此兩文過脈處尤有脫漏也
戰車臨塞驗九世之逾疆

後漢書曰光武廿五年遣左賢王莫將兵萬餘人擊北單于弟薁鞬左賢王
生獲之又破北單于帳下并得其衆萬餘人馬七千匹牛羊十萬頭北單于
震怖卻地千里初帝造戰車可駕數牛上作樓櫓置於塞上以拒匈奴時人
見者或相謂曰讖言漢九世當卻北狄地千里豈謂此邪及是果拓地焉也

文馬伏閑知五侯之慕化

後漢書曰光武二十六年詔乃聽南單于入居雲中遣使上書獻駱駝二頭文馬十匹夏南單于所獲北虜薁鞬左賢王將其衆及南部五骨都侯合三萬餘人叛歸去北庭三百餘里共立薁鞬左賢王爲單于月餘日更相攻擊五骨都侯皆死左賢王遂自殺諸骨都侯子各擁兵自守云云也

西河置部骨都之陣猶長

後漢書曰南單于既居西河亦列置諸部王助爲扞戍使韓氏骨都侯屯北地右賢王屯朔方當于骨都侯屯五原呼衍骨都侯屯雲中郎氏骨都侯屯定襄左南將軍屯雁門栗籍骨都侯屯代郡皆領部衆爲郡縣偵羅耳目北單于惶恐頗還所略漢人以示善意鈔兵每到南部下還過亭侯輒謝曰自擊亡虜薁鞬日逐耳非敢犯漢人也

朔方列隊溫禺之氛自解

後漢書曰明帝永平十六年乃大發緣邊兵遣諸將四道出塞北征匈奴南

單于遣左賢王信隨太僕祭彤及吳棠出朔方高闕攻臯林溫禺犢王於涿邪山虜聞漢兵來悉度漠去之者也

逢侯縱暴取敗於滿夷

後漢書曰永元六年諸雜降胡遂相驚動十五部二十餘萬人皆反叛脅立前單于屯屠何子薁鞬日逐王逢侯爲單于遂殺略吏人燔燒郵亭廬帳將軍重向朔方欲度漠北於是烏桓校尉任尙率鮮卑大都護蘇拔廆烏桓大人勿柯八千騎要擊逢侯於滿夷谷復大破之前後凡斬萬七千餘級逢侯遂率衆出塞也

薁鞬抗衡退凶於美稷

後漢書曰伊陵尸逐就單于居車兒建和元年立至永壽元年匈奴左薁鞬臺耆日渠伯德等復叛寇鈔美稷安定屬國都尉張奐擊破降之也

柏城有備杜崇之効克宣

後漢書中郎將杜崇度遼將軍朱徽等上言南單于安國疎遠故胡親近新

降右部降者謀共迫脅安國起兵背叛請爲之敝備帝從之於是崇徽遂發兵造其庭安國夜聞漢軍至大驚棄帳而去因舉兵反將誅右谷蠡王師子師子先知乃悉將廬落入曼柏城安國追到城下門閉不得入杜崇等遣吏曉譬和之安國不聽城既不下乃引兵屯五原崇徽因發諸郡騎追赴之急安國舅骨都侯喜爲等慮并被誅乃格殺安國也

涿邪懷疑龐奮之功攸著

後漢書永元七年以雁門太守龐奮行度遼將軍逢侯於塞外分爲二部自領右部屯涿邪山下左部屯朔方西北相去數百里八年冬左部胡自相疑叛還入朔方塞龐奮迎受慰納之其勝兵四千人弱小萬餘口悉降以分處北邊也

句龍傳首方申馬寔之威

後漢書永和五年句龍吾斯等立句龍王車紐爲單于東引烏桓西收羌戎及諸胡等數萬人攻破京兆虎牙營殺上郡都尉及軍司馬遂寇掠并涼幽

冀四州漢安二年中郎將馬寔募刺殺句龍吾斯送首洛陽建康元年進擊餘黨斬首千二百級匈奴烏桓七十萬餘口皆詣寔降車重牛羊不可勝數單于跣足始驗韓琮之策

後漢書曰永初三年夏漢人韓琮隨南單于入朝既還說南單于云關東水潦人民飢餓死盡可擊也單于信其言遂起兵反叛攻中郎將耿种於美稷遣車騎將軍何熙副中郎將龐雄西域校尉梁慄遼東太守耿夔等擊破之單于見諸軍並進大恐怖顧讓韓琮曰汝言漢人死盡今是何等人也乃遣使乞降許之單于脫帽徒跣對龐雄等拜陳道死罪於是赦之遇待如初乃還所鈔漢民男女及羌所略轉賣入匈奴中者合萬餘人

攀鞬乘統實標廣大之名

漢書曰自淳維以至頭曼千有餘歲時大時小別散分離尙矣其世傳不可得而次然至冒頓而匈奴最強大盡服從北夷而南與諸夏爲敵國其世姓官號可得而記云單于姓攀鞬氏其國稱之曰撐竿孤塗單于匈奴謂天爲

撐犂謂子爲孤塗單于者廣大之貌也言其象天單于然也置左右賢王左右谷蠡王左右大將左右大都尉左右大當戶左右骨都侯也

屠耆繼體允屬賢良之寄

漢書曰匈奴謂賢曰屠耆故常以太子爲左屠耆王自左右賢以下至當戶大者萬餘騎小者數千凡二十四長立號曰萬騎其大臣皆世官呼衍氏蘭氏其後有須卜氏此三姓其貴種也諸左王將居東方直上谷以東接穢貉朝鮮右王將居西方直上郡以西接氐羌而單于庭直代雲中各有分地逐水草移徙而左右谷蠡最爲大國左右骨都侯輔政諸二十四長亦各自置千長百長什長裨小王相都尉當戶且渠之屬也

繞林課校龍城之敬逾深

漢書曰匈奴以歲正月諸長小會單于庭祠五月大會龍城祭其先天地鬼神秋馬肥大會蹕林課校人畜計注云秋社八月中皆會祭處又曰蹕者繞也言繞林木而祭也其法拔升尺者死坐盜者沒入其家有皐小者軋大者